

**საქართველოს საარჩევნო ადმინისტრაციის ტრენერების შესარჩევი კონკურსის პირობები**

სსიპ - საარჩევნო სისტემების განვითარების, რეფორმებისა და სწავლების ცენტრი, საქართველოს ცენტრალურ საარჩევნო კომისიასთან ერთობლივი პროექტის „საზოგადოება და არჩევნები“ ფარგლებში, 2016 წლის 1 მარტიდან აცხადებს საარჩევნო ადმინისტრაციის ტრენერების შესარჩევი კონკურსს საარჩევნო მიმართულებით შემუშავებული სამოქალაქო განათლების პროგრამების ციკლის განხორციელების მიზნით.

პირველ ეტაპზე გათვალისწინებულია საქართველოს განათლებისა და მეცნიერების სამინისტროსთან გაფორმებული ურთიერთთანამშრომლობის მემორანდუმის ფარგლებში საინფორმაციო-სასწავლო კურსის „არჩევნები და ახალგაზრდა ამომრჩეველი“ იმპლემენტაცია ეთნიკური უმცირესობებით დასახლებულ და მაღალმთიან მუნიციპალიტეტებში განლაგებული საჯარო სკოლების XI-XII კლასის მოსწავლეებისათვის. აღნიშნული კურსის კონცეფცია იხილეთ ბმულზე:

[http://electionreforms.ge/files/article\\_attachments/kon\\_1162015.pdf](http://electionreforms.ge/files/article_attachments/kon_1162015.pdf)

**ვაკანსიები:**

საინფორმაციო-სასწავლო კურსის „არჩევნები და ახალგაზრდა ამომრჩეველი“ განხორციელების პერიოდი: 04.04.2016 – 06.05.2016				
N	რეგიონი	მუნიციპალიტეტი	სკოლების რაოდენობა	ვაკანსია
1	ქვემო ქართლი	გარდაბანი	3	1
		დმანისი	2	1
		რუსთავი	3	1
		წალკა	3	1
		მარნეული	6	2
		ბოლნისი	3	1
		თეთრიწყარო	2	1
2	მცხეთა-მთიანეთი	მცხეთა	2	1
3	სამცხე-ჯავახეთი	ახალქალაქი	5	2
		ახალციხე	3	1
		ნინოწმინდა	3	1
4	რაჭა-ლეჩხუმი-ქვემო სვანეთი	ამბროლაური	3	1
		ლენტეხი	2	1
		ონი	2	1
		ცაგერი	3	1
5	სამეგრელო-ზემო სვანეთი	მესტია	4	1
6	კახეთი	ლაგოდეხი	2	1
		თელავი	3	1
		საგარეჯო	3	1
7	აჭარა	ქედა	4	1
		შუახევი	6	2
		ხულო	8	2

**ყურადღება!**

- კონკურსანტი უფლებამოსილია განაცხადი შემოიტანოს მხოლოდ ერთ ვაკანსიაზე (შესაბამისი მუნიციპალიტეტის მითითებით). აღნიშნული პირობის დარღვევის შემთხვევაში კონკურსანტის მიერ წარმოდგენილი დოკუმენტაცია არ განიხილება.
- საჭიროების შემთხვევაში, კომისია უფლებამოსილია კონკურსანტს, მისი თანხმობის საფუძველზე, შესთავაზოს ტრენერის საქმიანობის განხორციელება მის მიერ განაცხადში მითითებული მუნიციპალიტეტის ნაცვლად სხვა არეალში.

**კონკურსის პროგრამა:**

- ა) საქართველოს კონსტიტუცია;
- ბ) საქართველოს ორგანული კანონი „საქართველოს საარჩევნო კოდექსი“.

**საკვალიფიკაციო მოთხოვნები:**

სავალდებულო:

- ა) უმაღლესი განათლება;
- ბ) კომპიუტერული პროგრამების ცოდნა (MS Office Word, MS Office Excel, MS Office Powerpoint, Web Services (ინტერნეტი);
- გ) ინფორმაციის ზეპირი გადმოცემის, ლოგიკური აზროვნებისა და კომუნიკაბელურობის უნარი.

სასურველი:

- ა) ტრენერად ან/და პედაგოგად მუშაობის გამოცდილება;
- ბ) საარჩევნო ადმინისტრაციაში ან/და საარჩევნო სფეროში მუშაობის სხვა პრაქტიკული გამოცდილება;
- გ) საარჩევნო ადმინისტრაციის მოხელის სერტიფიკატი;
- დ) საარჩევნო სფეროში BRIDGE-ის სერტიფიკატი;
- ე) ეთნიკური უმცირეების ენის ცოდნა (ეთნიკური უმცირესობებით დასახლებულ რეგიონში ტრენინგის ჩატარების უზრუნველსაყოფად).

**წარსადგენი საკონკურსო დოკუმენტაცია:**

სავალდებულო:

- ა) განაცხადი კონკურსში მონაწილეობის შესახებ (ცხრილის შესაბამისად):

განაცხადი				
კონკურსანტის სახელი, გვარი:	მისამართი:	ტელეფონი:	ელ. ფოსტა:	ვაკანსია, სადაც კონკურსანტს შემოაქვს განაცხადი <b>(მიეთითოს მხოლოდ ერთი მუნიციპალიტეტის დასახელება)</b>

- ბ) საქართველოს მოქალაქის პირადობის დამადასტურებელი მოწმობის ასლი;
- გ) ავტობიოგრაფია (CV);
- დ) დიპლომის ასლი;
- ე) ფერადი ფოტოსურათი ზომით 3X4.

## სასურველი:

სხვა დოკუმენტაცია, რომელიც ადასტურებს კონკურსანტის შესაბამისობას სასურველ საკვალიფიკაციო მოთხოვნებთან.

## ყურადღება!

- საკონკურსო დოკუმენტაციის მიღება წარმოებს 2016 წლის 1 მარტიდან - 10 მარტის ჩათვლით, ელექტრონული ფორმით, მისამართზე [centre@electionreforms.ge](mailto:centre@electionreforms.ge);
- არასრულყოფილად ან/და დაგვიანებით წარმოდგენილი საკონკურსო დოკუმენტაცია არ განიხილება.

## კონკურსის ფორმა:

- ა) კონკურსანტების შერჩევა, რომლებიც ირიცხებიან საარჩევნო ადმინისტრაციის ტრენერთა ერთიან ბაზაში, განხორციელდება მხოლოდ მათ მიერ წარმოდგენილი საკონკურსო დოკუმენტაციის შეფასების საფუძველზე;
- ბ) კონკურსანტების შერჩევა, რომლებიც არ ირიცხებიან საარჩევნო ადმინისტრაციის ტრენერთა ერთიან ბაზაში, განხორციელდება ორ ეტაპად: 1) მათ მიერ წარმოდგენილი საკონკურსო დოკუმენტაციის შეფასებისა და 2) შერჩეულ კანდიდატებთან გასაუბრების საფუძველზე.

## ყურადღება!

კონკურსის შედეგად შერჩეული პირი, მის მიერ ტრენერის საქმიანობის განხორციელების პერიოდში უნდა იყოს დამოუკიდებელი, კეთილსინდისიერი და მიუკერძოებელი. ტრენერმა თავი უნდა აარიდოს ისეთ მოქმედებას, რომელიც შეიძლება აღქმულ იქნას რომელიმე პარტიის მხარდაჭერად/წინააღმდეგ ქმედებად. აღნიშნული მოთხოვნის დარღვევა გამოიწვევს ტრენერისათვის ხელშეკრულების შეწყვეტას.

## კონკურსის გრაფიკი:

- კონკურსის გამოცხადება: 1 მარტი, 2016 წელი;
- საკონკურსო დოკუმენტაციის წარდგენის ვადა: 1 მარტიდან - 10 მარტის ჩათვლით, 2016 წელი;
- საკონკურსო დოკუმენტაციის განხილვა: 14 – 21 მარტი, 2016 წელი;
- გასაუბრება: 23-25 მარტი, 2016 წელი;
- კონკურსის შედეგები: 25 მარტი, 2016 წელი.

## შენიშვნა:

- კონკურსანტებს კონკურსის შედეგები ეცნობებათ მათ ელექტრონულ მისამართზე შეტყობინების გაგზავნის ფორმით. ინფორმაცია შერჩეული კანდიდატების შესახებ აგრეთვე განთავსდება სწავლების ცენტრის ოფიციალურ ვებგვერდზე: [www.electionreforms.ge](http://www.electionreforms.ge)
- სასწავლო კურსის განხორციელებამდე კონკურსის შედეგად შერჩეული ტრენერები გაივლიან მოსამზადებელ კურსს, რომლის განხორციელების პერიოდია 2016 წლის 28-30 მარტი (კურსის გავლა სავალდებულოა. აღნიშნული ღონისძიება გაიმართება თბილისში, მასში მონაწილეობის მიღების მიზნით მგზავრობის ხარჯი ანაზღაურდება თავად მონაწილის მიერ).
- კონკურსის საფუძველზე შერჩეული კანდიდატურები ჩაირიცხებიან საარჩევნო ადმინისტრაციის ტრენერთა ბაზაში ან სარეზერვო სიაში და აღნიშნული საკადრო რესურსის გამოყენება სსიპ - საარჩევნო სისტემების განვითარების, რეფორმებისა და სწავლების ცენტრის მიერ შესაძლებელია მოხდეს ასევე სხვა საინფორმაციო-სასწავლო პროგრამების განსახორციელებლად.